

Հաշվետվություն

ՀՀ արդարադատության նախարարության քրեակատարողական ծառայության պետ, արդարադատության գեներալ-մայոր Արթուր Գոյունյանի՝ Ռուսաստանի Դաշնություն (ՌԴ-ական) գործուղման արդյունքների մասին

Գործուղված պաշտոնատար անձը՝ Արթուր Գոյունյան:

Գործուղված անձի զբաղեցրած պաշտոնը՝ ՀՀ արդարադատության նախարարության քրեակատարողական ծառայության պետ:

Գործուղման վայրը և ժամկետները՝ Ռուսաստանի Դաշնություն (ՌԴ-ական), 2019 թվականի նոյեմբերի 20-ից 22-ը:

Հրավիրող կողմը՝ Ռուսաստանի պատիժների կատարման դաշնային ծառայություն:

Գործուղման նպատակը՝ Մասնակցելու «Հանցագործություն, պատիժ, ուղղում» խորագրով IV Միջազգային պենիտենցիար համաժողովին:

Քննարկված թեմաները՝ քրեակատարողական հիմնարկների և անազատության մեջ պահվող անձանց ուղեկցորդույունների ժամանակ անվտանգության ապահովման միջոցառումների, նորագույն սարքավորումների և միջազգային փորձի ուսումնասիրություն, ինչպես նաև նեղ մասնագիտական քննարկումներ՝ «Անվտանգության միջոցների կիրառման խնդիրները ՌԴ և արտասահմանյան երկրների քրեակատարողական հիմնարկներում և մարմիններում», «Քրեակատարողական համակարգի՝ ուղեկցումներով զբաղվող հատուկ ստորաբաժանումների ներկայիս վիճակը և արդիական խնդիրները», «Քրեակատարողական հիմնարկների ինժինեռատեխնիկական ապահովում և տեղեկատվական տեխնոլոգիաներ», «Քրեակատարողական համակարգում կոռուպցիոն իրավախախտումների կանխարգելում» խորագրերով:

Հանդիպումները, ելույթները, բարձրացված կամ քննարկված հարցերը՝

2019թ-ի նոյեմբերի 20-ից 22-ը Ռուսաստանի Դաշնության ՌԴ-ական քաղաքում տեղի ունեցած «Հանցագործություն, պատիժ, ուղղում» խորագրով IV Միջազգային պենիտենցիար համաժողովին մասնակցել են շուրջ 15 երկրների քրեակատարողական ծառայությունների պատվիրակություններ, իրավապաշտպան և հասարակական կազմակերպությունների ներկայացուցիչներ:

IV Միջազգային պենիտենցիար համաժողովի ընթացքում իրականացվել են գիտագործնական քննարկումներ և բազմաբնույթ հանդիպումներ՝ ուղղված քրեակատարողական հիմնարկներում և անազատության մեջ պահվող անձանց

ուղեկցորդումների ժամանակ անվտանգության ապահովման միջոցառումների և նորագույն սարքավորումների կիրառման միջազգային փորձի ուսումնասիրությանը:

Համաժողովի ընթացքում քննարկվել են նաև միջազգային փորձի հիման վրա դատապարտյալների հետ աշխատանքի հեռանկարային նոր մեթոդների մշակման ու կենսագործման հնարավորությունները:


Քրեակատարողական ծառայության պետ Արթուր Գոյունյանը գործնական հանդիպումներ է ունեցել Ռուսաստանի Դաշնության պատիժների կատարման դաշնային ծառայության տնօրեն Ալեքսանդր Կալաշնիկովի և Ռուսաստանի պատիժների կատարման դաշնային ծառայության ակադեմիայի պետ, գեներալ-մայոր Ալեքսանդր Կրիմովի հետ:

Ալեքսանդր Կալաշնիկովի հետ ունեցած հանդիպման ժամանակ մի շարք պայմանավորվածություններ են ձեռք բերվել համագործակցության արդյունավետության բարձրացման և կադրերի վերապատրաստման հարցում ռուս գործընկերների կուտակած առաջավոր փորձը Հայաստանում կիրառելու վերաբերյալ: Քննարկվել են նաև անվտանգության և պահպանության ոլորտներում առկա հիմնախնդիրներին և դրանց վերացման նպատակով ձեռնարկվող միջոցառումների արդյունավետությանն առնչվող հարցեր:

Ալեքսանդր Կրիմովի հետ քննարկվել են երկու պետությունների քրեակատարողական ոլորտների ներկայացուցիչների միջև փորձի փոխանակմանն առնչվող հարցեր:

Ռուսաստանի պատիժների կատարման դաշնային ծառայության ակադեմիայի պետ Ալեքսանդր Կրիմովի կողմից ՀՀ ԱՆ քրեակատարողական ծառայության պետ Արթուր Գոյունյանը պարզևատրվել է ակադեմիայի 85-ամյակի հոբելյանական մեդալով:

ՀՀ ԱՆ ՔՐԵԱԿԱՏԱՐՈՂԱԿԱՆ ԾԱՌԱՅՈՒԹՅԱՆ ՊԵՏ. ԱՐԴԱՐԱԴԱՏՈՒԹՅԱՆ ԳԵՆԵՐԱԼ-ՄԱՅՈՐ՝



ԱՐԹՈՒՐ ԳՈՅՈՒՆՅԱՆ

«25» 2019թ.